




gel in eynander/ Darnach setz auff eyn yeliche seitten eyn halben driangel/ auß disen sechs driangel
 ein würde eyn ablang strung von gleichen wincklen/ die eben so vil inhelt/ als das sechs eck/ Dar
 nach mach die ablang strung zu eyner rechten/ wie du vor berichte bist/ dise wird eben so vil inhalten
 als das sechs eck/ wie du das in der folgetten figur siehest/ Also magst du im auch thun mit allerley
 geregulirten figuren/ sic haben so vil eck als sie wollen.




Du nöten wer zu wissen quadratura zirculi/ das ist die vergleichnus eynes zirkels/ vmb
 eynes quadrates/ also das eyns als vil inhelt als das ander/ aber solches ist noch nicht von
 den geleerten demonstret Mechonice/ aber das ist beyleufig/ also das es im werck nit/ oder
 gar eyn kleyns felt/ mag dise vergleichnus also gemacht werden/ Reiß eyn strung vnd teyl den er
 strich in zehen teyl/ vnd reiß darnach eyn zirkelriß des Diameters sol acht teyl haben/ wie die qua
 dratur zehene hat/ wie ich das vnden hab auffgerissen.



So man eyn driangel von vngleichen seitten macht/ vnd der doch ein rechten winckel hat/
 was man dann für ein figur auß den selben seitten in sich selbs zeuche/ so helt alweg die langst
 seitten oder die selb figur die man daraus macht so vil innen als die andern zwo/ des sind
 zwenyerley figur hernach auffgerissen/ Erstlich der driangel /a/b/c/ in sich selbs in driangel zogen/
 die ander /d/e/f/ in sich selbs zu quadraten zogen/



Wenn man zwo holt circellini gegen einander schleußt/ also das dz selde schmal vñ lang wird
 vnd so man das mit zwerch linien ordenlich teylen vnd abschneiden will/ dem muß man
 also thun. Reiß eyn aufrechte geradelini oben. a. vnden /b/ Darnach reiß eyn zwerchlini zu
 gleichen wincklen mitten dardurch/ vñ setz in der zwerchlini auß der rechten seitten/ so weit hindan
 als du wilt eyn puncten /c/ des gleichen setz auff die linck seitten in gleicher weitten eyn puncten
 d/ vñ setz eyn zirkel mit dem eyn fuß in den puncten /e/ vnd den andern in den puncten /a/ von dar
 reiß herab bis in den puncten .b. Also thu jm auch von der anderen seitten auß dem puncten .d/ so
 das gethan ist/ als dann reiß mit einem zirkel zwo zirkellini/ die erst ob der zwerchlini/ die ander
 darunder/ also das sie bede yeliche an einẽ teyl die zwerchlini/ auch yeliche auß beeden seitten die zwo
 holt linien anrüren/ Darnach zeuch zwo zwerchlini ob vnd vnder den zwoen zirkellinien/ Dar
 nach reiß aber zwo ander kleynere zirkellini/ die bede mit ihrem teyl die zwo gezogenen zirkellini/ die
 ober vnd vnder anrüren/ des gleichen yeliche auß beeden seitten die zwo holt linien/ vnd reiß aber
 zwo zwerchlinien darob vnd darunder. Darnach far also fort hinauß so weit du magst/ dis wird
 ordenlich abgeteilt/ wie ich das hernach hab auffgerissen/ auß disem wirdt vil dings gemacht.



Ende des andern Buchs